


心遠堂詩集

三

T 5453/4414 (3)
CHINESE JAPANESE LIBRARY
HARVARD YENCHING INSTITUTE
AT HARVARD UNIVERSITY
FEB 3 1941



心遠堂詩集卷之六

哈佛大學漢和
圖書館珍藏印

高陽李蔚臺書著

男其
凝校

五言律

日講恭紀

二首時扈從南苑
乙未四月

舍郊循故事講藝肇新模

睿藻崇經學

天文叶

泰符琅函欣始御虎拜得同趨啟沃知難稱微躬訝

寵殊

其二

行殿清和候瑤編啟祕封期門環衛肅
黼辰御香
濃接武夔龍席瞻依日月容一經慙世業
宸聽仰

顒顒

直西苑紀事 六首

舊傳西苑勝夢想限凡身跡接鷓行後
恩從豹直
新湖山俄入望魚鳥已相親賸可臨流坐
蒼莎處處
茵

其二

太液通天漢千年帝澤深飛梁虹影臥
遠榭鏡波

侵鷺立沙洲靜鶯啼灌木陰金門饒隱趣
此地卽雲
林

其三

永日閒簪筆綠堤步偶長輕鷗風翻健
老樹雨聲涼
指顧寥天外追隨大雅傍還期明月夜
尊酒就波光

其四

令節仍重五薰風蕩御溝
君王崇儉德龍艦罷
宸遊事省封章減居深暑氣柔頻驚
時物換朱紱媿

淹留

其五

玉竦接堆雲雙橋一水分
嬋娟荒故址最巖峙鴻文
怪石無行列高臺足見聞
僊都難數至塵展敢辭勤

其六

疾雷過夜雨聒夢水禽聲
濕翠籠朝旭催余湖上行
烟鬟開黛沐溪友狎空明
不異幽居好蕭然直舍清

新秋雨霽直舍作

朱火收炎燄沄雲散鬱陶
風歸薇省靜旭轉桂宮高
餘潤滋堦蘚新涼警客袍
酬恩筋力短清晝未云

勞

秋夜內直用韻訓成劉二閣老

禁禦栖鴉定秋隨暮靄生
坐深銀鑰合望迴玉繩明
獻可勞封事疇咨待履聲
熙朝崇宿德未忍薄華

纓

自公歸院後清露滿衣裳
宮漏催拈句蟲吟勸舉觴

鬢絲憂國短襪被入秋涼
蓮炬分餘跋還應帶御

香

南苑閱武大蒐

召廷臣四品以上同詞臣扈

從賜宴行宮各賦五七言律詩絕句每體

一首應

制 丙申仲春

天仗發離宮春田寓詰戎期門先角技典澤繼論功

組練光凝雪驂騮影驟風策勲歌湛露喜起一堂中

張越青寓集

復此共燈光依然侍雪堂家真通孔李號敢附韓張

市柝深清漏春星動遠芒同心憐聚散翻欲緩飛觴

早朝

問夜羣公至晨鷄久未號微風鳴劍珮暗露濕旌旄

漏送西清急星懸東井高朝簪時一縮閒逸愧詞曹

秋海棠

偶被昌州號何須工部詩不香垂蓓蕾卯酒暈胭脂

莖弱西風怯葩鮮曉露宜最憐涼月夜翠袖倚踈籬

葡萄

涼蔭仍高架秋深綠未殘朝暎明馬乳夜露濯冰丸

沈瀼流金掌馨香薦玉盤一從隨漢使鄉國路漫漫

送施尚白之山左

知君雖已晚早見扇頭詩謝朓高吟地風流復在茲
飛鸞驂桂嶺施嘗奉使粵西天馬箭雲遙此去靈光殿抽毫
待妙辭

祈穀壇遇雪卽事 丁酉

祈穀辰逢穀田功舊典新神光連燎火雪影肅垂紳
澤慰三農望花先萬樹春奉璋聞帝語大有荅明禋

春日遣意 二首

閒庭無客至風日媚青陽懶得微疴遂愁憑高臥償
荷鋤思畊晦載酒憶林塘但願官曹暇旬休復舊章

其二

解籜竹梢碧攀條杏葉肥不禁風澹沲况值雨霏微
寒峭傾尊數陰濃步履違敝裘相戀甚未可試春衣

縱麀

走險來何意相依日月深雖緣避刀俎寧不憶山林
付託空王地馴調梵唄音近郊多獵騎春草莫重尋
賜杏恭紀

僊杏實初黃傳頌出尚方自天滋色澤入夏足芳香
拜賜爭擎籠分甘乍啟筐相如瘳渴疾莖露不須嘗

夏夜同予袞齋宿翰林院 是日立秋

幾載棲遲地同人坐夜闌風蟬清窈眇露樹老嘖
火伏三星徙秋行六月殘齋心良夙約靜語任更端
送高淑觀令龍南

十載鳴琴再茲行路更賒斗高看劍氣嶺近訊梅花
芻牧應無負干戈未有涯虔南歌孔邇迢遞莫興嗟

西苑晚直 戊戌

金堤容散步斜日逗輕陰汀鷺靜迎客荷風清入襟
出墻聞梵唱隔岸送挈音照影驚雙鬢空存濠濮心

○寄友

當年琴酒客異地阻相聞把臂期頻失論心恨共分
江飛皖口雪山接秣陵雲欲折瑤華贈清秋待雁羣
武場監射是日重九值雨 二首

海內威加日猶勤猛士思風馳千里足雲合五陵兒
射石長爭見登壇寄屬誰儒生司犇芷穿札愧何辭
其二

洗兵天意厚急雨過秋原山翠交旗影沙形淨埒痕
空聞楊葉箭已失菊花樽物役銷時序微衷未敢論

送曙東亳州

嘶馬去翩翩
譙城路計千
腰間新墨綬
囊裏舊朱絃
作吏何妨拙
能貧已足賢
論心余共爾
如水自當年

早春齋居對雨

巳亥

疑霰翻成雨
微和識載陽
梅魂新綠返
杏孕小紅藏
益有觀魚樂
庖無議鮠章
百年艱畧刻
俯仰感流光

微尚

棲棲何所就
微尚竟蹉跎
宦拙情原恕
年增慮轉訛
丹砂燒鼎幻
黃獨選山多
誰信塵勞客
遐心在碩藹

捷書

滇池初闢土
送喜捷書飛
枕席千軍過
壺漿六詔歸
窮追詳地利
休養異戎機
好慰雲霓望
先聲振武威

二月大雪

雪較三冬劇
寒增二月中
露衣輕墜粟
融砌濕因風
素影迷巢燕
青柯換井桐
月令三月
始華昭蘇應有意
舉

趾念田功

送嚴子餐給諫假歸

重載圖書返
非徒憶故林
堂坊占未協
風木感何深

獻替千秋事君親一寸心揚舡春水好敢惜暫分襟
郭外

近郭誰家墅幽尋偶到門短籬藤蔓老喬木鳥聲繁
秋色遂如此客懷無與言翻愁逢俗士車馬隔林喧

天壇同予袞長人齊宿次石生韻

庚子

高唱投何速滋言意轉幽不來人境外寧悟此生浮
臘卉寒香賸晴軒暮靄收送君携手處樹色隱園丘
清明赴南苑

望裏柳條青巾車度近垆吹花風側側釀雨霧冥冥

陳跡成今古遊人半醉醒自憐牽物役春色笑勞形

武闈監射再宿金剛寺呈梁玉立大司馬劉淇

瞻李漢清二少司馬

再宿招提境三年迹轉新清砧前度夢碧樹此時春
推轂先樞長披襟得故人屢偕過冀北尚愧九方歎
○ 夏日偕長人過予袞園亭

跬步遲幽討真成萬事慵同心諧宿約寓目遠塵蹤
小徑穿花曲高亭蔭綠濃爲君克三仲展齒許從容
送丘曙戒侍講判瓊州

玉署名流出珠崖別思深
酬恩齊遠近聞道畧升沉
瘴海憑孤棹清淮憶盍簪
翱翔容半刺蠻語且高吟

送金子京

辛丑

抱玉空歸去孤懷困益堅
千秋雙白眼四海一青瑣
竊祿慙同學窮經負少年
離心通越徼天際片帆懸
送張澹脩邑侯

聞左今何有長才藉採時
勿忘芻牧寄難緩繭絲期
朝迂飛鳧客郊逢狎雉兒
一憑廉叔度疾苦問茅茨
送張赤菴之敘州

仗節辭青瑣褰帷過錦城
荆榛收戰骨箐穴起遺氓
夔道仍遊犢瀘波欲徙鯨
壯猷封事在此日試長纓

送田兼三假歸

壬寅

蹇送桓驄去長安花正飛
故人方惜別春色况同歸
霜露行多感松楸願不違
青蒲虛左席天意在垂衣
絳帷塵黯後無地可酬恩
世美傳弓冶君家好弟彞
股肱需臥治肝膽共誰論
相憶憑魚素清淮接海門

秋夜聽琴

素琴宜靜士涼月况新秋露鶴鳴初警松濤曳復留
重雲高不隔四座默相酬恍惚成連權滄溟得其遊

九日長人園亭登高

二首

兩歲此登高亭臺散鬱陶寒香浮菊蕊風葉靜林皋
跡以琴樽密幽無杖屨勞相期敦古處非但酒人豪

其二

促坐高言洽窺簾片月清乍喧爭奕道忽默發琴聲
歲序無虛逝親交具遠情黃花知不負佳色燭邊明

西苑感舊

瀑直當年迹風吹輦道塵舟移湖色黯鼎鑄冶痕新
龍氣深藏雨鷗羣靜狎人秋雲棲短髻立馬獨霑巾

秋夜若水齋同用燈字

曲逕頻來熟幽尋况得朋殿香餘晚菊導月有踈燈
鼓摻漁陽壯琴言郢雪凝岑牟嚴酒政飛竿氣憑凌
冬夜琴意

桐音寒愈發清夜奏高山入牖霜華淨盈堦月影閒
牙期難復起鄭衛竟須刪未得希聲解千秋愧一斑

文廟春祭卽事

二首
癸卯

開國崇經術投戈自得師卽今丹雘跡猶是治平基
故老悲軒鼎諸生泣頽池翠華曾戾止兩度見鴻儀
順治中 特旨修文
廟凡再幸學

其二

長松紛月影荒廡似巖阿漏促眠頻警春寒氣未和
友朋零雨散身世隙駒過一紀重回首簪裾負媿多
壬辰余以史官同宋若木分獻時李貳公爲祭酒單
拙菴爲司業迄今十二年矣同人落落念之惘然
送金紫汾內擢假歸

畫錦催歸興離觴惜首途春波浮畫鷁卿月湛冰壺

景物奚囊擷庭闈綵服趨康成傳世業異代接雲衢

小園春意

三月俄將半春光太爛然一雙新鳥語幾樹早花妍
載酒何須鍾橫琴况有絃漸安岑寂味消息近中年

贈琴客

獨解羲皇意高懷寄指端朱絲鳴綠綺白雪間幽蘭
雅調尋常惜知音自古難莫教娛俗耳留伴老林巒
至前關地數武因構小臺雜植卉木偶成四章

簡長人

城市擬山林搜奇反累心何如因簡畧聊取代高深
砌種五株柳庭留半畝陰日長無一事支枕聽鳴禽

其二

蕨竹開三徑誅茅得數弓短籬綠薜荔虛牖蔭梧桐
風雨無時隔琴尊有客同抽簪吾未敢莫漫擬墻東

其三

君家臺最勝吾亦效爲之偶爾閒登眺殊堪寄遠思
南風高樹度西岫晚雲披此地宜明月何當共一卮

其四

散髮銷長夏忘形自嵒然年華供蠟屐心事付安絃
積雨朱炎候長林綠暗天偶來參石丈苔滑拜應顛

過傅掌雷李五鹿西村卽事

同下皆恭詣

孝

小墅依山趾幽尋未覺遙林端明返照草際度微飈
不減琴書興居然鷄黍邀聯鑣歸去緩柵葉晚蕭蕭

同止亭冰壺遊桃花寺

二首

寺在薊城東踞山翠微之半綠崖而陟雲林
泉石最勝止亭卽席爲記余率成一律二君
屬和雨過抵暮乃返

蘭若憑虛際同人快一登林深風浙瀝徑仄石峻嶒
絕壁流雲合飛泉急雨增幽探殊未倦復上最高層

其二

泉源窮勝地鳴玉漱方塘絡壁藤蘿古參天檜栢涼
旅情俄已失畏景竟相忘老衲無塵慮桑麻語正長

苦雨

四首

淫雨驕長夏兼旬苦未休三光歸晦昧百谷失安流
曲沼堪垂釣切堂欲泛舟西成殊可念豈獨老農憂

其二

忽訝苔生桁旋看菌集牀簷聲時斷續雲影互低昂
敗屋愁昏塾通衢歎望洋燭龍迷處所翹首待梅桑

其三

臥聽簷頭瀑淙淙又徹明木燒微有氣琴潄欲無聲
睡足忘冠履人來絕送迎更憐添鼓吹向夕亂蛙鳴

其四

待漏衝泥出愁霖下直歸僕夫憐况瘁稚子問調飢
不覩陽烏彩偏憎石燕飛朱炎行欲盡砧杵誤寒衣

喜晴

二首

畏景翻堪愛濃霧解馭餘篋開蒸濕藥庭曝漏殘書
遠岫還青峭高天復碧虛回思霧霈日真欲懼爲魚

其二

微風雲影破稍喜散炎黥濕逕呼僮掃張琴待客來
沾泥餘絳蘂繞砌足青苔已識秋期近新涼返照開

哭楊猶龍方伯

自蜀入覲返卒於道

海內推詞伯天邊舊侍臣燕臺方折柳蜀道忽摧輪
封禪無遺草修文有故人

同館先逝者多

千秋空灑淚風雅

日荆榛

哭陳念蓋少司農

並轡朝陵去憐君力疾行如何隔旬月遽爾異幽
明宦序秋雲變交遊逝水驚升堂瞻總帳一痛欲無

聲

秋日子飛小亭觀竹

移得琅玕質蒼蒼繞屋稠風傳天上籟綠澹座間秋
怪石當窗靜寒花綴徑幽相過原不厭况爲此君留

哭胡予袞少宰

二首

榜下相逢始雙雙鳴玉珂青綾同豹直赤紱共鸞坡

挂劍空餘恨調琴苦未和遺文誰復覓宿草茂陵多
其二

疇昔過從地高亭曲沼邊舊遊同一瞬此別遂千年
未度龍蛇歲

明年甲辰

先成鵬鳥篇三生如有約相訪葛

洪川

詠蘭重悼予袞

甲辰

隣園荒草合忽復覩芳蘭紉佩人何在同心臭已殘
山陽空有作流水更休彈寂寞求羊徑西風落葉寒

立秋喜晴

宿霧驅如洗西風報早秋陰晴人意改寒暑歲華適
一葉黃初覺千山翠欲浮蟪蛄聲尚在遲暮得無憂

送郭仲因之蜀

自古松維界檣航不易開山川仍設險控扼正需才
雪嶺烽烟熄星關驛使迴遺民應引領爭逐細侯來
送張虎別之粵

相逢容鬢改况復對離尊老友幾人在前期未敢論
鄉心燕草暮驛路嶺梅繁試覓騎羊客僊踪或與言
○甲辰除夕偶憶老杜四十明朝過之句因用爲

起語成詩二章以誌歲月余年適與同耳

四十明朝過勞人歲易侵
醉恩筋力減懷古性情深
景物喧隣里烟霞憶故岑
空齋仍靜好拂拭舊囊琴

其二

四十明朝過蒼蒼鬢影添
塵衣猶未拂俗駕詎終淹
爆竹驚高枕寒梅馥小簾
斗杓看欲轉徙倚驛光暹

文廟春祭

乙巳

上丁頻執役四度浹三年
陟降慙筋力聲容習管絃
奠楹猶昔夢鼓篋竟誰傳
伴食空糜祿春秋款道川

送季滄葦侍御

鬱鬱匡時畧都歸折柳中
臺烏聊息羽水鷁正乘風
物力東南劇天心耳目通
莫孤前席待計日返桓驄

贈韋念莪

四首

豈有形骸隔忘來二十年
重逢洵意外相視各潛然
感慨非輕世升沉已信天
西清聽漏地老樹臥蒼烟

其二

憶泛西湖櫂推襟湖上亭
花排三月麗雲破兩峯青
鬢髮年光驗風塵宦味經
瓠巴仍奏曲安得躍魚聽

其三

故人多異物不敢緩綢繆傾倒燈宵過蹉跎花事適
文章招貝錦勲業寄漁舟誰送寒溪水緘情到石頭

其四

歸隱山須買求田徑尚蕪半生閒老驥千里付家駒

公子才

騷耻鄉音憤

君楚人也

琴憐古調迂看君渾進道鳧

乙任人呼

夏日遊祖氏別業 五首

出郭神先曠巾車緩問程綠畦村路細接樾午陰清

舊野土餘丹腹芳堤覓杜蘅微雲如有意涼入葛衣輕

其二

偶尋銷夏地共識辟疆園徑轉高亭出林幽好鳥繁
草茵碁局靜水岸桔槔喧遊屐曾無擾徘徊任過門

其三

夾岸遮榆柳危梁擁芰荷石移靈壁種池借玉泉波
灼灼紅衣艷田田翠蓋多居然濠濮意莊惠復來過

其四

更覓琳宮蹟遙看梵宇連焜煌新扁額清肅古香烟

士女崇祈報尋常沸管絃西山樓外見紫翠夕陽邊
其五

返轡仍移席臨流坐碧苔蟬聲如戀客花氣更添杯
醉愜微風解歸嫌落照催同遊皆勝侶計日約重來
送永舒暫歸

匹馬吟秋色鄉園指顧間波濤浮禹甸雲氣鎖燕山
別河高難和離觴邈莫攀登臨仍有約叢菊待君還
聞雁有懷

自解隨陽至寧知歲序催邊愁霜信早旅恨錦書迴
寒月影遙度暮砧聲共哀坐聽重剪燭秋思渺難裁
寄懷若水

梁月憶高吟瑤華忽刷音八行閩海字三載故人心
遇合雙龍劍交期一玉琴躊躇天末意霞嶺正秋深
秋日城西卽事 三首

秋郊朝氣肅蔓草未全腓白露催林葉晨光上客衣
敗塚寒水咽荒墅遠烟微欲覓當年跡同遊在者稀
其二

洪鐘驚鉅麗歸臥踰尋高鳧冶何年就鯨音此日幾

靈文皎貝葉古色繡蒲牢轉憶聲聞際閻浮震海濤
萬壽寺
大鐘

其三

不踐招提境低徊踰廿年人思星聚始事感劫灰前
舊識僧徒少新增卉木妍山光聊慰藉蒼翠故依然
重遊摩訶菴是
余舊讀書處

齋宿北城廢寺

丙午

荒哉龍象力浩劫漫興嗟壁畫流塵暗碑趺蔓草遮
客來分佛榻地割溷民家一宿同桑下浮生願豈奢

送程其相冊封安南

聖化柔荒服輜軒萬里開龍章綸綍重鸞誥錦雲裁
域外遊觀壯天邊侍從回漢庭榮擁傳只數馬卿才
七夕立秋東永舒瑤岑

商飈吹巧夕歲序去難招未睹雙星會先驚一葉飄
相期人命駕來看鵲成橋小圃清樽待明河望不遙

送李吧瞻司理廉州

二首

百粵東南極滄溟萬里寬地仍秦象郡富異漢珠官
訟牘寬民力詩囊見歲寒平生期許意未盡在彈冠

其二

北風吹雪片寒色滿征衣握手重相視離觴未忍揮
鮫人歡竹馬蝥戶穩漁磯休養今朝事知君願不違

除夕

春風催閱歷四十又三年爆竹比隣厭屠蘇稚子先
挑燈猶覓句問夜待朝天竊祿真成愧霜毛欲滿顛

人日雪

丁未

雨雪連朝劇逢人態轉狂辟寒餘栢酒弄影亂梅妝
厄閏遲春色占豐問歲祥閭閻逐未子唯恐滅燈光

春夕遣意

月夕憐虛過春風尚峭寒金尊誰共泛瑤軫自孤彈
烟暝林鴉定霜凝砌竹乾殘梅弄疎影且與伴更闌

小圃卽事

二首

寒峭東花枝尋春已過期窺園異董子學圃類樊遲
絳雪驚桃萼黃金拂柳絲歲華真可惜何事愛顰眉

其二

春陰寒食近花信幾番風小築塵寰裏退心壟畝中
杖藜時獨往把酒與誰同徙倚供拈句遙林已漸紅

七夕紀事

出震風雲合當陽雨露新杖扶觀
詔叟衣典賜酺
人吹律春回谷占星衆拱辰女牛應助喜無淚灑天
津
是日晴明

秋夜小圃卽事 二首

六客三年聚依然舊酒徒幸無慙素履各已感霜顛
鶴語秋將老琴言調不孤壯懷同所寄非是浪歌呼

其二

夜氣侵衣肅空除受月多穿林分碧靄弄水亂金波

岐路憎南北離情繞礪阿前期重訂取知不負烟蘿

天桃

二首
戊申

天桃何處好高與小臺平一色侵衣豔干枝入戶明
不須銀燭照且伴綠樽傾却恐飛紅雨東風太盡情

其二

天桃何處好手種繞山池影亂文魚戲香憐粉蝶窺
晴霞烘靺鞨曉露洗胭脂獨作尋源客漁人未許知

友人携尊小圃看芍藥 二首

野興移軒蓋幽情問薜蘿地慙金谷勝人擬竹林過

樹密雲低徑池清雨濺波無端隣笛韻向秀感偏多
其二

尚有殘芳在偏宜雨洗塵餘香清入座晚色媚依人
綠樹懸燈近紅葩蕪水新頻來問奇客投轄愧留賓

錦鷄

好鳥來南楚瑤璣錦翼翻鏡中應解舞窗下詎能言
文彩樊籠近羈栖耿介存覽輝思鳳德于仞自騰騫
有事成均 二首

浹歲春秋至停車眺後湖御溝閒鐵鎖別苑閉金鋪

野鷺驚人起殘荷沒水枯當年簪筆地陳跡半榛蕪

其二

古署仍秋色凝塵滿榻多燭風搖敗壁蛩語咽寒莎
屢至追陪異回思歲月過故人存沒隔漸老奈余何
僕夫網得赤鯉二尺餘縱之池中

破浪揚朱鬣離淵戢錦鱗何時隨海若此地困波臣
且作池中物休誇席上珍琴高如可伴乘爾問天津

秋暮園林 二首

夜露霑茆宇朝光徧檜籬禦冬課老圃塞向理衡門

稍遣琴尊累早諧田野言忘情無不可有待覺爲煩
其二

秋林返照餘步履獨徐徐傍砌偶調鶴臨池閒飼魚
黃花帶霜紫密樹過風踈荏苒歲華逝空懷賦遂初

九月晦夕聽雨

秋暖遽成霖瀟瀟暮靄沈樹留將盡葉簷遶欲棲禽
代謝感茲夕塵勞役此心無煩頻問夜寒響漸更深

鹿贈隣園

畜爾三年久園林助野情呦呦解人語濯濯傍花行

託贈隣堪卜馴調意不驚虞羅幸相遠莫漫憶蒿萃

寄蘇門孫隱君

蘇門不厭深石隱古人心對客但長嘯寄情唯素琴
華顛閱朝市青眼付雲岑遙憶羽陵簡佗年未易尋

人日對雪簡調臣

巳酉

望晴翻得雪茲日詎宜人素影梅妝亂清輝彩勝新
菜羹聊薦歲燈火漸烘春爲問辭家客花前得句頻

大善菴望月卽事

正月十七夜郝敏公宗伯
王水壺司寇曹澹餘宗伯

同宿候

測驗

爲愛招提月中宵景倍澄壺觴如夙約晤對得良朋
氣轉移珠斗雲消辨玉繩蒼蒼非正色詎盡管窺能
燕九日憶白雲觀舊遊

西郭僊踪在春遊舊俗聞白雲留往蹟青史冷遺文
纓紱心何有刀圭力在勤丘公如可待鸞鶴共爲羣

送王平子司農

訂交逾二紀杵臼憶招提舊雨餘同學新春惜解携
子牟心魏闕長統樂巖栖日觀峯頭望塵中幾客迷

送董天因副憲

把酒青門外相憐後會稀那堪芳草綠又送故人歸
嵩雒形多勝烟霞願不違縱令逢醉尉猶有舊霜威

送梁敷五少宰

達人無不可進退自悠然所惜減良友非關薄世賢
離筵攀柳凍歸夢及春先莫歎山川隔飛鴻共趙燕
再宿大善菴

復踐招提境同遊一客無月高松影直風定梵音孤
細草生春逕殘碑倚舊趺莫因三宿戀桑下愧浮圖

春日西郊四首

坐惜青春去城西問舊遊柳陰河勢曲花氣野風柔
廢圃圍荒井危橋咽細流同人相待久選勝到林丘

其二

別業高林內當年常侍家屬樓開綠蔭老樹綻紅葩
興豈沉酣盡情因眺望賒西山青隱隱薄暮恨風沙

其三

幾負名花約今來始一償霞天晴散綺錦幕遠生香
翦拜依人免天喬閱世長轉思韋杜曲聞笛感山陽
城南韋祠海棠奇勝今不可
睹同遊諸子亦皆物化故云

其四

欲去仍餘興徘徊古寺門碑殘猶辨字佛臥自忘言
返照明高樹遙山補斷垣無端歸騎促憑弔意空存

夏日小園雜興

八首

洞壑因人就烟霞待我閒數弓聊學圃一簣偶爲山
歸夢巉巖裏遐心杳靄間無煩塵外想晨夕且登攀

其二

夏木千章潤雲根一徑幽尋僊異蓬嶠買隱豈巢由
蠟屐須頻着朝簪愧未抽愚公殊有意卷石寄冥搜

其三

雨過林如沐層巒相映青苔痕侵野席雲氣抱孤亭
晤語多幽客沈酣快獨醒短籬堪夜坐暗卉發微馨

其四

芍藥移來久山池帶曲闌香留因夏淺花減爲春寒
不分隨風落空孤載酒看芳妍迫時序客思詎能寬

其五

忽睹新篁發森森綠玉繁作花愁鳳食解籜見龍孫
課僕菱枝節成林出檻軒從教稽阮過把臂倒清樽

其六

亭館乍辭春紅殘綠正新棗花閒落砌莎草細成茵
抱瓮逢田父忘機狎野人息交余所樂戶外絕車輪

其七

選石臨流坐微風動晚波尺長遊巨鯉錢小貼新荷
相鶴煩師曠栽花問橐駝幽懷翻不暇杖屨費經過

其八

綠蔭高亭下南薰暑氣消引藤交薜荔移石就芭蕉
興至思題葉風來欲棄瓢平泉誇醒酒未肯學文饒

西苑雜述 四首

苑接蓬壺近波涵太液長新蒲看繫馬小艇聽鳴榔
禁籞烟霞地繁華水木鄉早朝頻啟事綠蔭坐鵷
行

其二

夾岸千章柳平湖十丈蓮清香迎玉珮艷彩繞龍船
詎惜鶯花賞還賡魚藻篇崇臺瞻望處解慍仰薰絃
其三

彤雲明上苑飛雨灑崇朝璫島沈雲黯珠林溽暑消

烟光低白鷺水影蕩虹橋驅馬長洲客晨趨未覺遙

其四

保直當年事恩波一紀餘遺弓悲往昔伴食閱居
諸蒲柳凋微質茅茨憶舊廬漸衰趨走力勝地愧何
如

文廟齋宿

俎豆頻承乏宮墻幾宿留晴霞看媚晚殘暑尚爭秋
引夢憑書卷齋心數夜籌長松風淅淅已覺曙光浮

九日集長人池亭 二首

把臂嶙峋上遙看暮靄平八荒舒遠目九日愛佳名
望岫塵心息依林露氣清龍山携勝侶今古一時情

其二

登臨尋舊約亭榭見新裁曲折峯巒隱滌澗水鏡開
天空風落帽地敞月浮杯縱使黃花晚寒霜未許催

寄同里孫文學

聞道商歌暇傳經未告勞僨春辭杵白挾筴樂蓬蒿
土築袁閔室鶉懸子夏袍青山與青眼終古自相遭

丁祭卽事

庚戌

春星啟辟雝祀事肅笙鏞未識聞韶味頻觀振鷺容
詩書悲利達俎豆曠遭逢拜下當年禮鶴行幾客從

秋蘭

不解嬾人意蕭然幽谷姿三秋新濯露九畹舊分枝
入室應俱化當門未忍疑何因供紉佩公子正相思

收花

隔歲營春事忘機老圃心護霜籬插早引日曠開深
蝨淨移新土根分記舊林郭駝應可傳

去聲

酬爾一

長吟

卽事

杖屨閱秋光林端正夕陽蔽虧烟厚薄
增減葉青黃
蟋蟀鳴莎岸鷓鴣立石梁無人解幽興
極目意蒼茫
○寄元昭白下

陽鳥帶清霜飛鳴下草堂聽鐘長樂遠
棹艇石城荒
青紫雲過眼丹鉛字滿囊寧知京洛夢
時復到滄浪

心遠堂詩集卷之七

高陽李蔚臺書著

男其凝枝恕

七言律

郊居友人見過

乙酉

忽驚剝啄來蓬戶竹下拋書理葛巾
不惜幽苔延視聽相觀流水澹心神
林開遠目筇扶醉籬對清樽菊
勸人能伴逃禪十日飲糟牀方注肯
辭貧

吹面西風爽不勝。五雲樓閣望陵。增烟霞繾綣非新。
瘳。鉛槧提携亦夙能。社燕自歸秋有約。江魚空寄夢
無憑。故園酒伴應相憶。近日清狂減未曾。

夏夜 戊子

殘夏纔餘四日。彊溽隨積雨。靜相忘。霞烘夜氣成新。
霽。月破庭陰作晚涼。欲夢故山清露隔。試尋舊約碧
雲荒。坐斜河漢未思睡。蕉影離離近竹牀。

代贈 二首

相國新開綠野堂。詩瓢釣艇卽滄浪。西山靜對浮空

翠。北闕遙連接御香。結構亭臺隨隙地。追遊簪紱照
迴塘。自知旅宦無機事。來往寧驚鷗鷺行。

其二

朝入綸扉暮薜蘿。池亭秋半蓼花多。時將樽俎銷兵
氣。自任魚龍聽櫂歌。遠近山光侵綺席。蔚藍天色蘸
清波。重陽籬菊開應好。載酒仍期一再過。

上巳懷舊 巳丑

潦倒干戈百折身。重三猶憶昔年春。驕馳楊柳堤邊
馬。笑指鞦韆板裏人。醉後形骸羞結束。歸期巖穴苦

逡巡西郊再問曾遊處。亂水荒畦辨未真。

閉戶

閉戶經旬苔徑荒。池萍砌竹晚蒼蒼。秋山滴翠時迎
目。夜雨生愁獨繞牀。偶向狙公分橡栗。欲隨漁父問
滄浪。枕戈躍馬終何極。落寞白雲歸興長。

思歸

燕山八月草木腓。懷人獨處歌思歸。長天乍淨見征
雁。斜日欲落聞擣衣。莫吟新句青玉案。且尋故業蘆
花磯。干戈未息時事忤。心之憂矣盍奮飛。

初度

懷鄉感事意茫然。搔首長謠對遠天。物色凄清當十
月。宦情拋擲近中年。閭閻但使風塵靜。筋力何辭歲
序遷。寂寞一樽堪自壽。空庭寒日下蒼烟。
時鄉有盜警

春日偕予袞登報國寺閣

二首 庚寅

偶同驅馬試餘寒。况憶登臨約未殘。目力陰森盤磴
道。心期孤迥步闌干。三天清樂雲衢近。萬井晴烟佛
界寬。莫訝憑高情轉切。不堪鄉路直南看。

其二

塵清睥睨晝溶溶。宮闕參差翠影濃。上界天風吹鶴
雀。西山雲氣照盧龍。春催草樹爭殘凍。望入川原怯
遠烽。身世漸知歸浩渺。驚濤俯聽起蒼松。
偶檢篋中覩故中。丞孫公二如手札有感。
公諱昌齡
寧晉人先公已未分校
及門士也

夏日遣興

騎鯨汗漫竟何之。徒許蒼生望尾箕。回首遂成千古
別。銜情難續八哀詩。交遊剩識銀鈎妙。廊廟仍餘石
畫垂。涼月不歸風紀絕。嬰陶寒隴遠雲滋。
舊竹抽梢過短簷。新榴弄色照疎簾。自知野性衣冠
束。偶遂幽居日月淹。高枕已堪銷永晝。微風時爲散
朱炎。一隨嬾拙無人省。誤謂希踪吏隱兼。

送貳公捧詔江北

鴻宮高敞命輪軒。玉檢金鷄禮數尊。細札十行民解
慍。榮名一代帝推恩。山迎驛騎青楓老。權壓秋江
白露繁。燕市酒人相望處。遙知匹練屬吳門。

九日二首

又是秋礪促授衣。閒坐澹日揜雙扉。江波木葉占時

令去燕來鴻閱物機。地極幽燕寒事早。世疎儒素酒
人稀蓬蒿仲蔚誰相問。松菊淵明尚未歸。

其二

一臥高秋時忽晚。登高無計奈秋何。支離未使蓬心
化爛熳。徒煩菊蘂多。南紀武功銅柱遠。西蕃文告玉
門過。相逢白眼儒冠賤。回首風塵此放歌。

雪夜宿法華寺

辛卯

春寒曾未變。祇林夜定禪。扉臥獨吟漏。永踈風傳遠。
柝窗明積雪。照重衾。難辭物役簪纓迹。易悟浮生梵

唄音。萬念不萌人境外。始驚深負五湖心。

長垣遇石仲生偕遊崔興我郊園

地乎千里春風異。客值聯鑣野興賒。水氣抱城寒未
變。雲光挾雨晚相遮。穿腸苦酒兼甜酒。入眼梅花雜
杏花。爲報揚州崔柱史。芳園曾代慰年華。

復和仲生鹽字

二首

星輶野服興難兼。入眼年光意自厭。小市正堪求簇
酒。大庖不用設形鹽。爭寒細草春芽健。過雨遙林濕
翠添。征旆漸南風土異。旅情早向此中瞻。

其二

自笑孤征緣底急。多君逸調共掀髯。杖頭合使新笏
盡展齒生憎。宿蘚黏。客子驚春梅杏併。家山繫夢雨
風淹。主人兩事俱堪妬。故里鶯花海國鹽。

有憶

都門韋寺海棠樹。頗憶年年花發時。晴艷最宜對青
眼。爇香更妬垂紅絲。酒徒此際醉相望。遠道多愁心
自知。東南直下渺何許。三千里外寒波遲。

○ 毘陵道中

離腸擾擾江南北。坐使春衣改夏衫。爲問辭家理孤
棹。何如託命向長纜。人藏小墅花三月。岸夾修篁雨
一。帆佳地移家知遂否。擬將行止問巫咸。

舟過崇德

京師浴佛憶今日。愍忠寺會無由同。初夏午增炎燠
氣。輕帆進拂東南風。曬網漁婦跣白足。采桑村姑提
碧籠。錢塘借問僅百里。簇簇遙山是越中。

自杭達衢江行雜述

六首

夢覺鐘聲識越鄉。舟師發鼓下錢塘。輕帆早趁歸潮

疾宿霧濃。遮遠岫。藏邨舍。細風吹麥熟。林端蒸雨報。
梅黃。殊方物色。行看徧。詎使離憂繫旅腸。

其二

南湖富春山。愈稠江鳴峭。壁晚添流沙。平洲渚。忽飛
鷺。草淺陂。隨自放牛。燕徼勞人歌鼓棹。桐江高士老。
垂釣。雲林佗日無相詫。許解形骸物外遊。

其三

夾流山轉怒濤生。白浪洄漩急。有聲飛瀑落巖濺。細
沫薄雲開日弄微明。枕欹嵐翠難爲寐。耳習波喧漸

不驚。自失謝公無好句。新安江水至今清。

其四

崖分江定月輪舒。水動遙天影碧虛。圓缺關山三度
易。晴明春夏此宵初。林藏漁船燈光小。風透荒城柝
韻徐。疑有高人歌詠史。扣舷一和興偏餘。

其五

迎溜南行駛。且長紫微赤。松鬱相望。溪清欲采蘭。爲
佩峯突。猶疑石是羊。巖壑虛聞瑤草秀。人間未見金
丹方。朝真金華洞名咫尺洞天路。暮靄重遮雲樹蒼。

其六

涼颺拂曉候清和。石淨灘明信權過。雙眼鄉關隨鳥
集。百年身世羨漁簑。麥塲蠶箔江邨午。蠻酒巴歛估
客。謫崖嶂一空天野闊。寸心北向寄流波。

發邵武

一水滄溟試問津。七臺絲渺欲尋真。急灘亂石篙師
力。霧瘴嵐烟使客身。萍梗已甘飄泊稔。簡書何復往
來頻。回頭百里烟波改。祇有熙春山名不厭人。

留別星衡

君先我至我先歸。握手前期去住非。萬里舟車窮海
夢。十年風雨故山薇。漸蒼鬢髮時相失。欲遠塵埃願
共違。別後音書何自達。閩南曾未見鴻飛。

發洪塘抵延津

四首

却從水口望榕城。劣削峯高遠尚明。驟改溪聲喧漸
逼。已愁灘勢逆相迎。沙圻竹纜羈栖慣。野火林烟次
第生。同侶更携登鉅石。中流團月照班荆。

其二

短蓬永晝唯昏睡。赫日中天苦鬱蒸。三伏去年觀洗

象百僚故事憶頒冰。征夫靡及悲原隰。舟子相招畏友朋。欲御冷風歸未得。奇峯極目火雲層。

其三

歎風洄浪楫工忙。駕石奔濤氣怒張。蹟幻雙龍辭劍浦。途危一綆引茶洋。暘林焦羽飛常墜。瘴海溫波浴不涼。爲問長安偃仰者。誰堪六月旅炎方。

其四

往復鐔城三度遊。來逢重五去將秋。名心未破長風浪。宦計全同逆水舟。魚鱗巖。譙鼓寂。金波遠浦月。

輪浮預聞黯澹稱奇險。一夕魂銷百折愁。

復度漁梁達僊霞諸嶺

五首

首向漁梁問畏途。山墟町疇態全殊。弓刀戍卒人居少。香火叢祠亂後蕪。疊石古今煩轍跡。淫霖晦朔厭泥塗。歸心物色能相促。楓柏遙林葉半朱。

其二

楓嶺梨關各異形。蜿蜒紫氣敞虛屏。洞傳笙鶴僊來往。峽鬪雲雷晝杳冥。杉竹較前增老翠。峯巒終古擁空青。此身久擬巖扉住。覓路他年是已經。

其三
絕頂誰初一。逕開仰隣帝。座頻崔嵬。僧閒施茗泉邊。
煮備健肩輿樹杪來。雲宵山嵐吹作帶。雨添溪溜響
成雷。何殊蜀道青天上。事去金牛莫漫哀。

其四
緣谿錯趾步頻欹。路盡崖傾一木支。雲黯深林窺魑
影。波跳平聲滑石踐蛟虬。水春竹汲憎機事。闢磔誅茅
憶戰時。却度保安橋上望。僊霞風雨正迷離。

其五

纔過峽口減嶙峍。三石江郎辨漸真。茆店榻陳曾宿
處。茶棚僧識再來人。田家穫稻種兼陸。龍洞飄風夜
達晨。峽口俗云山有龍洞。又卸行。曠理舟楫。清湖樓。夜晴必風有益禾稼。
下枕通津。

九日大風雨舟阻河干

邳州界中
三首

永夜飄風擊浪鳴。羈人坐聽夢無成。黃花虛負重陽
約。白髮新從一夕生。舟楫逆流泥滑滑。京華北望水
盈盈。篷窗兀守增煩促。頻向長年計去程。

其二

縱眺河干濕兩眸。北風怒雨打船頭。山遙鳧繹烟中
隱。水亂徐邳地外流。菊殘萸囊何處好。黃蘆白草此
時秋。畏途百戰經湖澳。伏莽縱橫尚未收。

其三

數年重九長安住。珍重佳時酒伴同。獨在他鄉思骨
肉。始知人世有西東。孤舟無分登臺日。萬里虛來吹
帽風。誰使微軀殉物役。初心摧盡俗緣中。

泊清淵友人以菊數枝見貽貯之餅中

折來芳菊知何地。照眼初驚更久看。霜露漸增秋事
暮。孤香豈發旅人歡。故園籬下開應好。弱蒂餅中坐
共寒。一榻空舟媿相對。爲君招悵歲華殘。

歲暮和猶龍二首

歸來尚繞天涯夢。結束形骸媿向人。北極九重賜吻
日。東華十丈馬頭塵。愁中直負雲山約。醉後兼忘寵
辱身。笑對庭梅問消息。肯令黍谷見陽春。

其二

奔峒流波逝不窮。榮名壯齒兩難同。龍蛇起陸沘杓
轉。狐兔驚圍大澤空。長夜差堪酬鑿落。敝裘何敢歎

蒙茸寒爐斷簡無相厭。一半年華送此中。

移居

移來市屋葺新茅。小築深藏興不撓。騏驎任馳千里足。鷓鴣自寄一枝巢。簾垂惹夢梅魂聚。牖亞籠霜竹影交。况是年光催破臘。閉門喧寂兩無淆。

夜坐撥悶

壬辰

踈星黯澹照空堂。獨手殘編蠟穗長。技止家鷄迷巧拙。識慙社燕辨行藏。風驕花信寒猶束。幕閉梅痕暖易蒼。局促百年渾底事。誰憐吏隱兩俱荒。

白石莊春集

風妬春游劇抱疴。荒涼別墅冒風過。百年卉木城西賸。三月塵沙剗北多。入艤落英浮不厭。映山空翠暮如何。高天直眎容狂醉。螺嬴蟬蛤漫譙訶。

秋思 二首

雲淨西山翠影鋪。高城吹角曉鳴鳴。未聞歸馬閒龍盾。更見徵兵急虎符。露落故宮班女扇。衣霑清淚阮公途。中林鷓鴣鳴何早。已送霜風逼槁梧。

其二

秋老燕臺接薊門。清商朔吹起黃昏。轆轤葉下銀牀靜。閨闔風生翠幕翻。野鷺自甘湖海宿。羈鴻尚戀稻梁恩。芳洲杜若應顛顛。欲采何因薦楚魂。

贈友人

作者誰歟起後塵。吾衰大雅尚堪陳。一編風雨前無古。三徑蓬蒿中有人。下里自驚歌郢曲。高堂漫問斲齊輪。千林黃落燕山木。傾蓋論交未是新。

送若水計部

明廷爭羨拜新除。畫省風流衆不如。職佐度支司國

計。人推經術筦軍儲。雲光高映郎官宿。海色晴驅使者車。自是君才稱利涉。何愁宣室滯徵書。

除夕

流波白日返何因。漸欲驅排未老身。曆改祇驚增馬齒。杓移空計挽蛇鱗。馨香燎歲松盆熱。兒女迎年綵勝新。自顧支離無一可。屠蘇已分讓他人。

南臺恭紀

癸巳

春雲五色簇蓬萊。遠岫明湖向霽開。清蹕傳聲趨右闕。近臣聯轡集南臺。鶯花聖澤深三月。弧矢

天威洽九垓。飽食大官翻自懼。素餐何以咏康哉。

清明

北地清明柳未舒。角巾芒屨憶閒居。身關趨走妨休

沐。愁倚壺觴倩祓除。試暝調寒新藥裏。量晴較雨舊

農書。時平誰障歸山路。雲外松楸是敝廬。

送王蓼航宮允侍養歸里

四十九人今復幾。嗟君此去遂羣空。斷餘鶴脰行還

却。如後蛾眉畫轉工。篋裏賜衣供舞袖。案頭新句阻

詩筒。他年天際聞鸞獻。知在蘇門萬壑中。

奉寄少司馬玉調先生

甲午

側身天地祇吾師。滬水嵩雲繫所思。屈子紉蘭堪共

佩。伶倫裁竹不孤吹。丹心自信行藏外。青眼相從海

嶽期。慙媿公門舊桃李。靜看羣卉鬪春姿。

蒔花

庭除隙地無人至。閒課兒童種雜花。漸老心情唯學

圃。未歸踪跡漫為家。春寒待放亭亭藥。夜雨新抽細

細芽。誰道荒坵還寂莫。繞欄半畝簇明霞。

春暮 四首

花氣薰窗日下簾。方牀石枕睡慙慙。漸忘世法惟餘
嬾。盡謝時名得養恬。清夢似隨風馭遠。奇遊直與化
人兼。此生自斷憑流坎。出處何煩龜筮占。

其二

嗒焉林臥玩榮枯。逝水浮雲萬事徂。蠻觸誰分蝸國
土。坳堂偶闢芥江湖。尚滋終悔投高閣。堅白空怜據
稿梧。寄謝時人各努力。休將腐鼠嚇鸛雛。

其三

陰晴無賴勒春殘。又付閒愁問牡丹。茗試新旗驅宿

酒。衣捐敝絮鬪餘寒。神龜誤入君王夢。散木翻憎匠
石看。三十年來勞造化。此心何地不相安。

其四

長歌酌酒勸飛光。物色推遷謾自傷。花盡桃蹊蜂蝶
散。甲萌蔬圃轆轤忙。胸中五嶽真無謂。海上三山豈
易望。兀坐不言成一笑。誰知臧穀共亡羊。

送王悔菴水部

二首

清淮直下邈如繩。甓社之汪接海陵。竹木幾時休版
築。東南比屋困輸徵。河隄使者無君匹。水部詞人自

昔稱忽忽百年頻送別。青門垂柳轉堪憎。昔隨人自
星輶南指火雲繁。願緩離觴效一言。幸過桃花安逆
浪。更將菜色繪監門。驚心轉饜蠻方急。側耳征鼙海
國喧。信美還應思故土。新詩醉裏共誰論。三山豈
桃花爛熳喜淹留。菊蘂淒清悵倦遊。報贈慙無青玉
案。歸裝敝盡黑貂裘。鄉連雲樹三千里。夢繞風濤五
兩舟。負却龍山明日會。東籬把酒爲君愁。

送調臣

南苑清明

乙未

勞人誰復覺春還。望望河橋柳可攀。香汎晚烟行殿
靜。寒生鳴雨直廬閒。招尋約負看花侶。筆札才慙視
草班。蠟燭未聞傳賜火。鳳城回首五雲間。

南苑考選庶吉士應

制

鰲禁清依日月邊。更煩藻鑑下掄賢。帝紘羅瑞皆
麟鳳。僊圃儲材盡杞楨。已見肖形來傳野。寧同待詔
賦甘泉。酬恩啟沃他年事。拜獻無忘雨露先。

送劉結綠之文縣

丙申

陰平路隔大荒西。河隴雲沙遠客迷。草長邊城蕃馬
牧。春歸古署蜀鵑啼。十年去國傷桃盡。百里鳴琴惜
枳棲。共憶鄉園難作別。青門斗酒不堪携。

○送調臣

離聲怨調起朱絲。把袂臨風玉樹枝。幕下孔璋雄草
檄。畫中摩詰妙兼詩。塵生懸榻人分夢。酒醒空舟月
滿陂。湖上舊遊踪歷歷。憑君今日寄相思。

○南苑閱蒐應

制 同前

芳郊化日靄晴輝。訓旅乘時試合圍。七萃風雲森武

節。三驅狐兔懾天威。鵷班共肅金貂集。魚藻咸甘

玉饌歸四海。永清文德洽。還從干羽仰垂衣。

○燕

爲愛營巢雙燕子。隔年盟約未曾寒。低飛掠水芹芽
小。並坐鵲枝杏蘂殘。高枕耐聽聲絮絮。踈簾不礙影
珊珊。迢遙雲海來非易。多少朱門改舊觀。

寄梁敷五

時讀禮家居以詩式見寄

夢迴笑語共鸞坡。問訊真煩尺素過。芳草晴光連督
亢。夏雲峯色隔滹沱。禁中詩句思紅藥。門下生徒廢

蓼莪寄我一編情不淺。斷輪無巧媿如何。

丙申重午

上幸瀛臺御龍舟。召廷臣三品以上及詞臣侍宴。畢復留大學士學士日講官再宴。頒賜雄黃。

朱砂藥錠恭紀 三首

烟開朝旭淨無塵。倒影樓臺鏡裏真。選樹春鶯啼夏木。綠流白鳥唼青蘋。林穿翠輦爐香遠。岸艤龍舟旗彩新。清蹕初傳皆鵠立。淹留處處草成茵。

其二

勝地佳辰奉 豫遊。恩波 特賜共僊舟。千官拜獻

蒲觴壽。五月涼生水殿秋。虹臥石梁通遠榭。風迴桂棹漾中流。昔人未識真蓬島。徒詫橫汾發櫂謳。

其三

畫舫重登宴再陳。恩霑侍從倍諸臣。遙籠池館菰蒲密。久立沙汀鷗鷺馴。辟毒 親煩珍藥錫。作舟應念濟川人。卑愚自訝叨 殊寵。報稱無能致此身。

御花園 以奉安 乾清宮牌扁獲寓目焉

御園清邃接 坤寧。琪樹千章映 內庭。絕巘雲霞

環紫翠。中天簾幕敞青冥。奔湍赴沼如鳴玉。怪石陳
皆是竇星。忽向僊都逢羽客。步虛餘韻正泠泠。

頒刻董帖

熙朝文治啟芳規。舊墨新縑別殿披。游藝偶然供藻
鑒。憐才何必在同時。鐫摹冊府貞珉永。頒賜儒林縹
帙奇。欲效誠懸論筆法。小臣慙未解臨池。

送宮詹篁菴先生歸南昌

忽聽歸與效越吟。欣看初服易朝簪。誰知落落還山
意。猶是遲遲出畫心。去國杜陵餘彩筆。辭榮疏傳乏
黃金。時平道路無烽火。圖史輕裝感激深。

長至齋宿海會寺

離宮羽仗事郊壇。致潔先期集百官。幕列貔貅同
宿衛。座依龍象避祁寒。已煩風伯塵沙淨。預擬靈臺
雲物看。南望繚垣天咫尺。御香杳藹接林端。

郊壇侍班

次孫枚先司農韻

雲旂戛戛下端門。五夜星垂帝座尊。珮影駿奔傳
蹕肅。爐香霧合隔燈昏。金枝芬樹神光屬。繭栗燔柴
民力存。親覩皇心虔對越。小臣鵠立荷殊恩。

○哭黃卜周先生

丁酉

方思問病旋聞訃。痛哭斯人失典刑。篋裏鄭虔餘妙墨。牀頭伏勝有遺經。空憐白髮憂生計。謾託丹砂駐幻形。通籍未曾霑寸祿。祇應仍返少微星。

○送宋若木之關中

折柳青門別酒乾。王程觸熱未能寬。人依渭樹雲千疊。馬入秦川路幾盤。詞賦登臨新節使。山河形勝古長安。同心比歲多零落。莫訝將離欲贈難。

○送胡予袞奉使長沙

柔遠新恩出建章。金符縑綬寵降王。高車共羨相如節。歸橐應羞陸賈裝。水習樓船新罷戰。地收幕府更開疆。懷沙舊蹟無勞賦。尺檄還看下夜郎。

○送方干霄之廉州

戊戌

藏器頻年執戟班。分猷萬里肯辭艱。人看紅樹青門別。地在蠻雲瘴海間。去日鋒車爭鳥疾。到時蜚戶報珠還。知君不負州名美。遙寄清風慰旅顏。

○送曹錫餘之鄖陽

終賈才名未許過。除書新領別鑿坡。漸聞南土烽烟

靜○况○復○詞○人○岳○牧○多○路○駐○形○嶮○咨○父○老○囊○餘○彩○筆○壯
山○河○方○城○漢○水○同○袍○遠○招○悵○驪○駒○白○玉○珂○

三月朔大雪

巳亥

凝○雲○二○月○連○三○月○屢○雪○春○寒○似○臘○寒○天○意○蒼○茫○真○叵
測○物○華○寂○莫○忍○相○看○遭○泥○時○見○饑○鳥○下○臥○砌○深○憐○老
竹○蟠○誰○信○風○光○隣○上○巳○敝○裘○楮○袖○自○盤○桓○

送陳公朗方伯入覲還秦

含○毫○曾○侍○芸○香○省○輯○玉○新○隨○岳○牧○班○謁○帝○書○前○宣
室○席○驚○人○句○賦○華○州○山○友○朋○共○訝○車○弓○晚○父○老○欣○看

旌○旆○還○潤○色○太○平○須○鉅○手○肯○令○詞○客○滯○秦○關○

送王孝源以江右廉使入覲隨擢晉藩

豸○冠○嶽○嶽○遠○朝○天○藩○伯○新○除○主○眷○偏○漫○向○風○塵○談
宦○况○相○看○鬚○髮○感○流○年○紀○遊○却○憶○滕○王○閣○對○客○重○徵
晉○問○篇○同○學○故○人○薇○省○隔○斷○腸○柳○色○照○離○筵○

擬宮詞

四首

惆○悵○樓○東○薄○命○吟○昭○陽○日○影○夢○中○沉○當○熊○辭○輦○恩○難
恃○落○葉○哀○蟬○憶○反○深○自○昔○丹○青○能○易○貌○何○人○詞○賦○可
回○心○春○風○著○意○鳴○鶻○鳩○紅○雨○千○林○恐○不○禁○

其二

新。縑。故。劍。易。生。疑。濁。水。清。塵。兩。不。期。爲。問。絳。紗。初。繫。日。何。如。金。屋。退。閒。時。照。顏。不。夜。珠。無。色。樹。背。忘。憂。草。有。知。從。道。君。恩。深。似。海。波。瀾。洄。洑。使。人。悲。

其三

皓。齒。爭。妍。滿。六。宮。專。房。敞。席。幾。人。同。蝶。隨。香。袂。時。時。改。柳。引。羊。車。處。處。通。歡。極。那。知。蓮。漏。促。寵。移。不。待。玉。樽。空。當。筵。一。奏。秋。風。曲。始。信。君。王。是。化。工。

其四

洛。浦。明。珠。鄭。國。蘭。千。秋。長。擬。奉。君。歡。同。遊。正。墮。雲。間。翼。獨。舞。俄。羞。鏡。裏。鸞。七。寶。臺。高。終。怯。步。六。銖。衣。薄。詎。勝。寒。鉛。華。不。是。承。恩。具。斟。酌。蛾。眉。畫。愈。難。

送調臣

南。國。鶯。花。旅。思。催。薊。門。柳。色。照。離。杯。布。帆。高。挂。春。無。恙。長。鋏。重。彈。歸。去。來。壯。志。終。酬。題。柱。願。時。人。未。識。棄。繻。才。如。君。自。是。青。雲。器。把。袂。臨。岐。歌。莫。哀。

雪中桃花

彤。霞。玉。屑。影。迷。離。巧。合。深。閨。韻。面。辭。點。點。楊。花。真。化。

水盈盈蝶粉故黏枝。漫嗟厄閨遲春色。翻喜凌寒鬪
艷姿。咫尺武陵津可問。剡溪返棹笑徽之。

春日雜感 四首

驅馬重過玉竦堤。頻年陳跡畫橋西。波明太液冰初
泮。樹隱昭陽綠未齊。耕稼止堪尋石戶。姓名那復點
金閨。迎眸雪嶽春晴好。何日披雲一杖藜。

其二

爲憐閨月緩春徂。斗酒雙柑客興孤。燕子去來占往
復。杏花開落驗榮枯。移文嘗恐傳鍾阜。比例寧容乞

鑑湖。浪對傍人稱大隱。有靈巢許幾揶揄。

其三

魂夢何能穩市朝。風塵不敢說漁樵。劍花鏽澀時鳴
匣。詩草拋殘半在瓢。稷卨許身空老大。彭殤齊物得
逍遙。天真未忍虛名換。坐待丘中早晚招。

其四

閒較春愁識淺深。隨人車馬漫駸駸。疆弓弱翰無長
技。蓬戶朱門共此心。未解駐顏需藥白。終期散髮謝
朝簪。鳳儀獸舞鈞天奏。海鳥何知鐘鼓音。

8 移居

旅宦頻年跡屢移。蕭然圖史稱茅茨。投林幸免烏三
巾。繞樹還容鶴一枝。擬待幽人懸小榻。爲延野色插
踈籬。蘧廬逋閱誰賓主。自古長安似奕碁。

雨後夜坐遣意

明河清淺濕雲開。御袂重茵坐碧苔。鏡裏新霜年暗
度。庭前舊雨客稀來。蒲桃引蔓珠垂架。茉莉吹香玉
照杯。慰藉踈頑良不薄。莫嫌搖落歲華催。

讀魏石生中元遊城西詩感舊

二首
小引

余僑寓京師。以壬午春從黃卜周先生讀書

城西八里莊之摩訶菴。同社二三勝流。操觚

染翰。把酒携筇。意甚適也。閱明年秋。始各以

事罷去。未幾而大運驟更。回首舊遊。雲滅波

翻。不可復問。竊祿以來。時時貯胸臆。未嘗釋

顧塵俗牽縈。歲月悠忽。無緣一尋曩跡。誠昔

人所云酒壚咫尺。而有河山之歎也。茲讀石

生諸詩。向日遊踪。歷歷在目。追憶十八年來。

且暮事耳。而情遷境改。不翅隔世。爲泫然者

久之嗟嗟吾人委形大塊中。升沉久暫莫能
自主。使更歷數時。寧遠今昔有異視乎。聊成
近體二章。比於山陽之笛。云爾。時己亥秋八
月七日也。

曾向招提結勝緣。鷄壇執幟逐羣賢。書燈夜借琉璃
火。遊屐時參玉版禪。轉瞬河山魂夢裏。傷心桑海亂
離前。無端小草真成誤。塵網悠悠十八年。

其二

慈壽浮圖碧漢齊

寺在摩訶菴西
數武甚壯麗

摩訶松檜蔭禪棲

朝昏野色支頤領。遠近山光攬袂携。憑弔已深當日
感。追思轉益此時悽。妬君濟勝新篇好。塵壁無緣拂
舊題。

種菊

新成小築添秋興。移得寒花種繞籬。弄藥丹黃驕晚
色。分藁高下鬪繁枝。延年空憶南陽谷。遺世還吟彭
澤詩。采采漸愁霜信迫。與君同有後時悲。

再入閣直有述

光華再得覩雲衢。蹇劣深慙解澤殊。東閣塵埃重灑

掃北山猿鶴愧招呼。空煩鞭策施駑馬。恐費丹黃飾
朽株。筋力酬恩終異昔。難將伴食恕微軀。

人日卽事用憲石少傅韻

庚子

七日和風拂面來。春泥驕馬淨無埃。新燈試炬喧街
鼓。殘雪融澌濕益梅。壯歲已憎遊興減。勞人不耐物
華催。明朝上苑隨雕輦。珥筆空憐負把杯。

早春赴南苑

新年又復理征鞍。御宿風光獨早看。堤柳未萌春覺
淺。河水欲泮臘知殘。馬循馳道行來熟。林映周廬望

裏寬。更愛西山增氣象。千峯積素送輕寒。

扈從西山雜紀

四首

戒壇

歷盡層岡路屈盤。忽驚金碧峙巔巒。蘇碑不記開山
日。石級猶存說法壇。洞壑幾重交臂失。天龍八部舉
頭看。穿雲徒御相拋急。靈境無緣暫駐鞍。

潭柘寺

雙鴟五色倚崔嵬。磴絕峯迴紺殿開。龍去空潭泉尚
咽。亭餘老栢瓦全頽。危巖乍合前旌隔。廢磴頻傾後

騎催草草雲堦投五體。塵緣無定自驚猜。

○石景山

西山梵宇偏峯頭。石景孤高愜壯遊。千里繚垣圍紫
塞。一灣衣帶繞盧溝。足窮絕頂浮圖小。日盡驚湍畧

約脩。四望鬱蒼雲物美。依然形勝古神州。

香山諸寺

來青髣髴識層軒。繚繞岡巒羽騎屯。望裏軍容山斂
翠。到時僧舍鳥停喧。丹梯遙覩金銀界。石洞空慳杖
屨痕。咫尺碧雲雲樹隔。平生濟勝未遑論。

終

